



میلی قورتولوش حرکتلری...

شونیسست سیاستینی یورومتکله (ایجرا ائتمکله)، او اولکه چرچیوه سینده اولان خالقلاری ایستستمار ائتمه یه، اولارین دیل - کولتور و عنعنه لرینی اریدیب یوخ ائتمه یه جان آتیر، عمومی لیکده خارجدن گه لن اویره تیم (معاریف) سیستمی میلی خصوصیتلری نظره آلیر. کولتوره ل ده یه لرین پوزولماسینا سبب اولور. نتیجه ده معنویاتین پوزولماسینا، یوخ اولماسینا، یاخود گئری گئتمه سینه سبب اولور.

مستملکه چلیک سیستمی نین کئیفیتینده (نتجه لی یینده) اولان ده بیشیک لیکلر، یاراتدیغی یئنی تضادلار باغلی و مستملکه ده اولان میللترده اوز درکین ده آرتماسینا سبب اولوشدوربو چاغیمیزدا باغلی سیزلیق اوغروندا آپاریلان قورتولوش ساوشلارینا تزه ایچتن لیک (ماهیت) قازاندیرمیشدیر. بونا گوره ده میلی کیملیک داواسی، میلی مسئله، طولونه معروض قالان باغلی و مستملکه ده اولان میللترده گونون مسئله سینه چنوریلیمیشیربئله اولکه لرده اولان موبارزه لر مستملکه دن قورتولماقلا یاناشی میلی کیملی یه صاحب چیماق هدفی گودور. بونا گوره ده بو موجابله یه، میلی قورتولوش و باغلی سیزلیق ساواشی آدی وئرمک دها دوزگون ساییل بيله ر.

اسکی دن بو میلی قورتولوش موبارزه لری ضید ایمپریالیست بیر ایچتن لیک اوزونه آلاما مجبور اولورسادا سوویتیست سیستمی ییخیلیدقان سونرا سوزون تام معناسیندا میلی سیاسی ایقتصادی و ایجتامعی ماهیت قازانماقدا دیر.

میلی قورتولوش حرکتلری نین ایقتصادی جهتلری یالنیز میلی بازارین یارادیلماسی، اونون خارجدن تالانماسینا قارشى مودافعه سی، یاخود مستملکه چی اولکه لرین حاکمیتی نی و حتا یئرلی بورژوازی نین میلی بازارى هر جهتی کونترول ائتمه یه جان آتماسی نین قارشى سینی آلاقلا قالمیر. مستقیل ایقتصادیاتی نین یارادیلماسیدا اولان احتیاجلارینی ا لده ا ئتمکده صنایع لشمیش اولکه لرین مونوپوللاری نین حاکمیتی آراسیندا اولان تضادلاردا، بئین ا لخالق سرمایادارلیغین تک طرفلی چیمار آزعین لیغیندا گورمک اولار.

آوتوماتیزاسیون (اوزیشلرلی یین) بوتون چیمارتی (تولید) ساحه لرینده ایشه سالیناماسی، اینسان گوجونه ائحتیاجین ان جزئی سوویه یه ائندیریلمه سی، صنایع لشمیش اولکه لرده ایش سیزلرین سایى نین آرتماسینا، ائله جه ده اولارلا مستملکه حیاتی یاشایان و باغلی اولکه لرده آچیلان مصافه لر تضادلاری داهادا آرتیرماقدا دیر. بونلا یاناشی اولار خام ماده لری بو اولکه لردن تامین ائتمه یه چالیشیلار، او بیرى طرفنده بو اولکه لری اوز صنایع محصوللاری نین ساتیش بازارینا چئورمه لری، بو اولکه لر آراسیندا ناراضیلیغا، اولان فاصیله نین داهادا آرتماسینا سبب اولماقدا دیر.

کاپیتالست اولکه لرله دالی قالمیش - آز گلیشمیش اولکه لر آراسیندا برابر اولمایان واقعیلترده میلی قورتولوش حرکاتلاری نین سیاسی کونکو و تملینی پئینی تشکیل ائتمکده دیر سوویتیست سیستمی ییخیلیدقان سونرا دونیانین ان بویوک سرمایادار اولکه سی آمریکانین تک باشینا دونیامیزدا پولیس رولو اویناماسی و غربین تک طرفلی چیمارلارینی قوروماغا قالماسی، اوزون وعدلی اولاراق قارشى دورمانین خیشتینی، پایاسینی قویماقدا دیر.

میلی قورتولوش حرکاتلاری نین توپلومسال قایناغی مستملکه چی و مستملکه ده اولان اولکه لرین بورژوازی لاری آراسیندا یوخ، عکسینه توپلومون بوتون طبقه لرې نین موجود توپلومدا اولان اوزلشدیریلیمیش (اینحیصارچی) سرمایاسی ايله دیر.

۲۰ نجی یوز ایلین سون دورده بیرى بشریت ین چوخ یوکسک سوویه ده اولان توپلومسال (ایجتامعی) علمی نائلیت لری، دالی قالمیش اولکه لرله یوکسک صنایع لشمیش اولکه لر آراسیندا اولان یاشام شرایطی تاریخده گورونمه میش بیر اوچورومون یارانماسینا گتیریب چیمارتمیشدیر. بشریت ین یوزده اونونون، حیاتین بوتون ایمکانلاریندان یارالانماسی نورمال ساییلانماز، و اینسانلیق معنویاتینا و ائتیک (اخلاقی) ده یه لرینه ضیدیت تشکیل ائدیر.

چاغیمیزدا اولان میلی قورتولوش حرکتلری نین خصوصیتلریندن بیریده اولارین بئین الخالق لاشماسیدیر. ایکینجی سی ایسه بو میلی قورتولوش حرکتلری یالنیز سیاسی ایستیقلالییتی الده ائدیب مستملکه دن، یاری مستملکه دن قورتولوب میلی دولت یاراتماقلا قالمیر، ایقتصادی و سیاسی باغلی سیزلیغیندا اوز هدفی سئچیر.

البته ده کی بو اولکه لرین کئچمیشده کی باغلی ایقتصادیاتی و اوندان قورتولوش طرزى، ائله جه ده اوزلشدیریلیمیش سرمایادارچیلیق (کاپیتالیزم) بئله باغلی سیزلیغی قازانماغی زورلاشدیریر. باشقا سوزله میلی ایستیقلالییتی الده ائتمک ایقتصادی، سیاسی باغلی سیزلیغی الده ائتمکدن دها قولای اولور. چونکی اوزلشدیریلیمیش سرمایادارچیلیق دونیا چرچیوه سینده ایش گورور. بیر صورتده کی اسکی سرمایادارچیلیق سیستمی دورونده میلی قورتولوش حرکاتلاری نیسبیده اولوش اولسا بو غایه یه اولانمالاری مومکون اولوردی. میلی دولت و محلی سرمایادارچیلیق اوز اوزونه گلیشیردی بللی بیر سوویه ده ایقتصادی باغلی سیزلیغینی تامین ائدیردی. آما چاغیمیزدا ایستیقلا لده ائدیلسه ده صنایعجه گلیشمیش اولکه لرین اوزلشدیریلیمیش سرمایادارچیلیدان اوزلرینی قورتورا بیلیمیر و اولارین چیمارلارینی قوروماغا مجبور اولور. چونکی اسکی مستملکه چی فورمو یئرینی یئنی بیر مستملکه فورمونا وئیر. اولکه نین میلی ثروتلری آپاریلیر. اولکه اوزو ایسه گلیشمیش اولکه لرین (کاپیتالیزم دونیاسی نین) بیر ایقتصادی یاریش یئرینه چئوریلیر.

آردی گله چک ساییمیزدا

بیزیم عنوانیمیز بئله دیر :

Schmidt
Postfach 180453
60085 Frankfurt/ M.
Germany

www.jarchi.info
info@jarchi.info

جارچی اولدوغو کیمی خارجده تکثیر ائدیلمیشدیر .